

զի՞ երես տվիր Հայերուդ, վասն է՞ր ոչ զապտ անել տաս. թէ ոչ կասիր՝ զմնասն դու կրելոց ես, զքեզ զիտեանյ: Վասն որոյ և նա ի բարկութիւն շարժեալ, ասացեալ՝ Այլ ոչ գայ վէզիրն, զիմ զիտածս առնեմ: Եւ ի վերոյ գրեցաւ ժողով և սինհոզոս իշխանացն քաղաքիս և կատաղութիւն. ի միմեանս պարփակեալք կցեալք, երեկոյ և առաւօտ խորհուրդ և մուշաւէրէ՝ թէ զի՞ գտցեն բանալիս նաև պատճառս ի վերայ թումալին, զի կաղացուսցեն աքսորմամբ և կամ սպանմամբ: Բայց մինչև ցայժմ ի քաղաքս չտեսին համբաւ չարութեան նորա կամ թէ լսեալ էին զպակասութիւն օրինաց նորա. նա և յետ և յառաջ ի օր կացաւ աստ: Պատճառ իմն իրաւի թէ Առ ազգս մեր զոչ եղեալն արար, որ զհարկն յաւելցոյց, նաև զեկեղեցոյ իրաւունքն ևս յափշտակեաց ընդ աթոռոյն, և թէ զերուսաղէմ ի պէրաթ գրեաց, հարկատու առնէ զնա. ոչ կամիրք, ժողովո՛ւրդք և ռամիկք, դուք ևս ընդ մեզ լերո՛ւք: Սպանութեան երդումն արարեալ, ումանց զտուն և զօրդիս ի բերան տուեալ, այլոց քսակս և փողս յիշեցուցեալ, կիսոց՝ եթէ կանգնիր յոտին և սպանեմք: Եւ երթային գային ի տիւան ի կռիւ ընդ պատրիարքաւն յայտնի և ի ծածուկս, մինչև հաճեցեալ լինէին զկամս ախմար փաշային՝ թէ զի՞ քսակն մեք տացուք և քեզ ևս այսքան, նորա հնար մի:

Եւ ի վերջն վճիռ զայս հատին եթէ Ֆռանկ է նա և չաչուտ՝ այտինքն լրտես նոցայ. վկայել ետուն Արևելցի վաճառականաց ոմանց և հօճէթ արարին և եգին ի բանտս մահապարտացն (Յ Յոլէ, Շաբաթ): Եւ այսու ոչ շատացեալ, հարեալք ի դիւէ՝ խորհին սպանանել զնա իշխանք քաղաքիս, յոյս ունելով զգրամ Երուսաղէմին որ կայր ի մօտս իւրեանց, զոր յղեալ էր Եղիազար վարդապետն եթէ հոգասցեն զբան Երուսա-